



Direktoratet for mineralforvaltning
med Bergmeisteren for Svalbard

Adresseinformasjon fylles inn ved ekspedering.
Se mottakerliste nedenfor.

Dato: 14.12.2018
Vår ref: 18/00789-7
Deres ref:

Tildeling av driftskonsesjon etter minerallova for Brynsmoen næringsområde i Nord-Fron kommune. Tiltakshavar: Brødrene Haugen Maskin og Grus AS.

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 46 00
E-POST post@dirmin.no
WEB www.dirmin.no

GIRO 7694.05.05883
SWIFT DNBANOKK
IBAN NO5376940505883
ORG.NR. NO 974 760 282

SVALBARDKONTOR
TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) visert til søknad om driftskonsesjon, datert 2. mars 2018.

1. Tildeling av driftskonsesjon

DMF tildeler Brødrene Haugen Maskin og Grus AS, org. nr. 919 925 604, heretter kalla «tiltakshavaren», driftskonsesjon etter minerallova § 43.

Tiltakshavaren får driftskonsesjon for uttak av grus i Brynsmoen næringsområde på delar av eigedomane gbnr. 251/1, 251/135, 255/11, og 255/42 i Nord-Fron kommune. Mineralførekomsten hører til kategorien mineralsom grunneigaren eig.

Konsesjonsområdet har eit areal på kring 137 daa og går fram av kart med tittelen «konsesjonsområde Brynsmoen næringsområde i Nord-Fron kommune» produsert ved DMF den 8. november 2018, vedlegg 5.

Etter reguleringsplan «detaljreguleringsplan for Brynsmoen næringsområde» med planID 51620150008, vedteken i kommunestyret den 22. februar 2018, regulert til «næringsbebyggelse og grønnstruktur».

Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgiving. Tiltakshavaren er ansvarleg for å innhente andre nødvendige løyve.

2. Vilkår for driftskonsesjonen

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF.



Dersom Tiltakshavaren ønskjer å gjøre vesentlege avvik fra driftsplanen, skal DMF godkjenne dette på førehand.

DMF kan krevje ny oppmåling og at ajourførte kart og profilar skal sendast inn når DMF finn det nødvendig.

2.2. Økonomisk sikkerheit

Tiltakshavaren blir pålagd å stille økonomisk sikkerheit med NOK 800 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 300 000, og deretter årlege avsetjingar til ein bankkonto som det skal etablerast pant i til fordel for DMF slik at Tiltakshavaren ikkje kan råde over kontoen på noko vis, begge deler som skildra i punkt 5.11.

Før drifta startar skal Tiltakshavaren ha:

- (i) inngått ein avtale om finansiell sikkerheit med DMF, vedlegg 1;
- (ii) lagt fram påkravsgaranti frå bank som DMF vurderer som tilfredsstillande, vedlegg 3;
- (iii) etablert pantet til fordel for DMF, jf. pantelova §§ 4-4 til 4-6, vedlegg 2.

2.3. Bergteknisk ansvarleg

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

Ein bergteknisk ansvarleg for uttaket, med dei nødvendige kvalifikasjonane, skal vere på plass før drifta startar. Innan same dato skal Tiltakshavaren melde inn til DMF namnet på den ansvarlege og legge ved meldinga dokumentasjon på at personen fyller krava til bergteknisk ansvarlege. Dersom verksemda skal leige inn den ansvarlege, skal dokumentasjon på avtalen mellom Tiltakshavaren og den bergteknisk ansvarlege leggjast ved meldinga.

2.4. Andre vilkår

Den regulerte føremålgrensa for massetaket skal setjast ut eller markerast i terrenget på ein slik måte at den er lett synleg gjennom heile driftsperioden.

DMF gjer merksam på at ein driftskonsesjon gjeven etter minerallova ikkje erstattar krav om løyve, godkjenning, arealplan eller konsesjon etter anna lovjeving.

3. Godkjenning av driftsplan

DMF godkjenner driftsplanen for Brynsmoen næringsområde i Nord-Fron kommune. Den godkjende versjonen av driftsplanen ligg ved dette konsesjonsvedtaket, vedlegg 4.

4. Høyringsfråsegner med kommentarar frå DMF

Søknaden om driftskonsesjon har vore på høyring, jf. forvaltningslova § 17, hos desse høyringsinstansane: Nord-Fron kommune, Statens vegvesen region øst, Oppland



fylkeskommune, Fylkesmannen i Oppland, NVE Region øst, samt andre høringsinstansar slik det framkjem av adresselista til høyringsbrevet samt adresse lista til dette vedtaksbrevet.

Høringsperioden var fra 12. november 2018 til 10. desember 2018.

Fra høyringsfråsegnene har DMF særleg merkt seg dette:

Noregs vassdrags- og energidirektorat (NVE):

NVE viser til at reguleringsplanen regulerer naturfare og vassdrag etter avslutta uttak, men at den ikkje i same grad regulerer same forhold i uttaksperioden. I samband med dette ber NVE om at vassdrag, flaum og erosjonsfare blir tilfredsstillande teken omsyn til og innarbeidd i konsesjonsvilkåra, slik at uttaket ikkje blir til hinder for gjennomføring av påkravde tiltak regulert i reguleringsplan. Vidare minner NVE om vassressurslova sine føresegner knytt til omsynet til grunnvatn jf. vassressurslova § 43 samt det generelle omsynet til allmenne interesser i vassdraget. NVE gjer også merksam om ei ny føresegn i vassressurslova § 43a som mellom anna seier at «Enhver skal opptre aktsomt for å unngå at grunnvann påvirkes til skade eller ulempe for allmenne eller private interesser». Vidare viser NVE til at eit samla uttak av vatn eller bortleiing av vatn på meir enn 100 m³/døgn som følgje av masseuttak, er meldepliktig jf. vassressurslova § 45 tredje ledd. NVE peiker på at i tillegg til omsynet til interessene i grunnvatnet, vil den største utfordringa sannsynlegvis vere å ivareta eit stabilt løp for vassdraget i heile uttaksperioden og slik hindre erosjon, flaum og forureining av suspendert stoff ut i vassdraget. NVE føreset at desse forholda blir teken omsyn til. Dei minner difor om at vassressurslova har fleire føresegner om vassdrag. Reglane følgjer av vassressurslova kapittel 2. NVE framhevar særleg aktsemndsplikta etter vassressurslova § 5. I tillegg gjer NVE merksam om at dersom planane endras eller at allmenne interesser kan bli omfatta av tiltaket, kan dette utløyse konsesjonsplikt jf. vassressurslova § 8. Planane må i så fall sendas til NVE for ny vurdering. Fortiltak som er konsesjonspliktige viser NVE til at dei kan vurdere pålegg om retting i medhald av vassressurslova § 59. Dersom konsesjonspliktige tiltak startar opp utan naudsynt løyve, er dette straffbart etter vassressurslova § 63. Det er tiltakshavaren som er ansvarleg for skader eller ulemper for private interesser som følgje av tiltaket.

DMF sine kommentarar:

DMF harteke NVEsitt høyringsinnspel til etterretning. DMF føreset at tiltakshavaren orienterer seg om sine plikter etter vassressurslova og følgjer opp meldeplikt og søknadsplikt der dette er påkravd. I samband med NVE sine merknader knytt til vassdrag, fare for flaum og erosjon, viser DMF til at reguleringsføresegnehene har nedlagt forbod mot å oppføre bygnader eller anlegg eller faste installasjonar innafor faresona for flaum. DMF oppfattar ikkje at reguleringsføresegnehene berre tek omsyn til vassdrag, flaum og erosjonsfare etter drift. Vi har lagt til grunn at føresegner om områder for bruk og vern av vassdrag i reguleringsføresegnehene § 7 gjeld like fullt under drift. I tillegg går det fram av rekkefølgjeføresegnehene § 2.3 at Bøslåsbekken skal sikrast mot flom og erosjon før områda kan byggjast ut til næringsføremål. I og med at masseuttaket skal skje før områda kan byggjast ut til næringsføremål, legg DMF til grunn at føresegna gjeld også ved drift av masseuttak. Reguleringsføresegnehene viser også til TEK17. DMF minner tiltakshavaren om byggteknisk forskrift TEK17, og ber om at de gjer dykk kjent med innhaldet og følgjer dei retningsliners som er nedfelt i kapittel 7 knytt til naturfarer.



Statens vegvesen Region øst:

Statens vegvesen har ingen merknader til at det blir gjeven driftskonsesjon for Brynsmoen næringsområde.

DMF sine kommentarar:

DMF harteke høyringsinnspelet til etterretning.

Nord-Fron kommune:

Kommunen viser til at så langt dei kan sjå samsvarer konsesjonsområde med område for gjeldande reguleringsplan for Brynsmoen næringsområde slik det blei vedteken 22. februar 2018. Vidare oppfattar kommunen også at gjeldande retningsliner og føresegner som blei vedteken av kommunestyret ligg til grunn for søknaden om driftskonsesjon. I samband med reguleringsplanarbeidet blei det gjennomført ei konsekvensutgreiing med tanke på masseuttak og seinare etterbruk som næringsområde. Kommunen kjenner ikkje til at det føreligg kunnskap pr. dags dato som ikkje var kjend ved tidspunkt for vedtak av planen. Dei er difor av den oppfatning at konsekvensane er tilstrekkeleg utreda. Nord-Fron kommune hadde ingen merknader til søknaden om driftskonsesjon.

DMF sine kommentarar:

DMF harteke høyringsinnspelet til etterretning.

Torunn Neverdal:

Neverdal ber om at DMF vurderer tidsaspektet for masseuttaket. Vidare peiker ho på at grusressursen har vore der i fleire tusen år og ikkje vil forsvinne i nærmeste framtid. I tillegg viser ho til at det som tidlegare var eit verdifult skog-område på sørssida av Vinstra elv no er prega av grusuttak. I samband med dette skriv ho at det må vere eit ufråvikeleg minstekrav at dei områda som er ferdig uttatt skal føras attende og bli gjeven ei form som gjer at man får lyst til å oppsøke området. Ho meiner at aktiviteten i det attendeførte området må vere tilpassa verdien av området. Avslutningsvis viser Neverdal til at ho har tiltru til tiltakshavaren når det kjem til å ta ut grusen i området.

DMF sine kommentarar:

DMF harteke høyringsinnspelet til etterretning. Når det gjeld tidsaspektet for uttaket viser DMF til at dersom ein tek utgangspunkt i anslått totalvolum på 1 570 000 m³ og eit forventa årleg uttak på 50 000 m³ (tiltakshavaren har anslått eit årleg uttaks volum på mellom 50 000- 75 000 m³) har masseuttaket ein varigheit på litt i overkant av 31 år. Dersom tiltakshavaren tek ut 75 000 m³ massar årleg, vil driftstida svare til om lag 21 år. Det er ikkje sett noko band på tidsaspektet av masseuttaket i reguleringsføresegnene. DMF ser heller ikkje noko grunn til å tidsavgrense uttaket, då tiltakshavaren er avhengig av at marknaden kan ta imot dei massane dei tek ut. Grusressursen er i NGU sin database registrert som regionalt viktig. I og med at planane for området er at det skal nyttast til næring, ville det være dårleg ressursutnytting dersom ein regionalt viktig grusressurs skulle bli bygd ned utan å nyttast først. DMF vurderer det som fornuftig at ein regionalt viktig grusressurs blir utnytta før ressursen blir beslaglagt til næringføremål, slik etterbruksføremålet er. I samband med merknader knytt til naturmiljø viser DMF til konsekvensutgreiinga som blei utført i samband med reguleringsplanarbeidet, samt kommunen sitt høyringsinnspel. Ifølgje dei opplysingane som føreligg, vil eit uttak av grusressursen ikkje ha innverknad på trua eller nært trua naturverdiar. I tillegg er det regulert inn grøntområde der det ikkje er lov med hogst, slik at ein tek vare på dei grøne områda



mot Vinstra elv. DMF viser også til reguleringsplanen med føresegner. Vi har lagt til grunn at området er planlagt brukt til næringsområde etter avslutta uttak, i tråd med reguleringsplan vedteken i Nord-Fron kommunestyre den 22. februar 2018.

Oppland fylkeskommune:

Fylkeskommunen har vurdert søknaden og har ingen merknader under føresetnad av at arbeidet skjer i tråd med gjeldande reguleringsplan.

DMF sine kommentarar:

DMF harteke høyringsinnspelet til etterretning.

5. Korleis DMF vurderer søknaden om driftskonsesjon

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomstar på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnmessig prøving før det blir avgjort om det skal gjevast driftskonsesjon. I vurderinga av om det skal gjevast driftskonsesjon skal det leggjast vekt på om søkeren er "skikka" til å utvinne førekomensten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkeren har tilstrekkeleg kompetanse til å drive førekomensten. I vurderinga av om det skal gjevast driftskonsesjon skal det også leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjør kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevast konsesjon.

DMF har vurdert konsesjonssøknaden slik:

5.1 Utvinningsrett

Mineralførekomsten som skal utvinnast tilhøyrer kategorien mineral som grunneigaren eig. Tiltakshavaren er sjølv grunneigar for delar av konsesjonsområdet. Etter grunnboka er Tiltakshavaren heimelshavar til eideomanegbnr. 251/135 og 255/42 der konsesjonsområdet ligg.

Tiltakshavaren er ikkje grunneigar for dei andre eideomane omfatta av konsesjonsområdet, og det blir difor kravd avtale med grunneigaren om utvinningsretten til førekomensten. Tiltakshavaren har i søknadsprosessen lagt fram ein avtale med grunneigarane for høvesvis gbnr. 255/11 og 251/1, som dokumentasjon for utvinningsrett.

Avtalane gjev Tiltakshavaren utvinningsrett til førekomensten på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekomensten.



5.2 Arealstatus for tiltaket

Konsesjonsområdet har eit areal på kring 137 daa og går fram av kart med tittelen «konsesjonsområde Brynsmoen næringsområde i Nord-Fron kommune» produsert ved DMF den 8. november 2018.

Etter reguleringsplan «detaljreguleringsplan for Brynsmoen næringsområde» med planID 51620150008, vedteken i kommunestyret den 22. februar 2018, regulert til «næringsbebyggelse og grønnstruktur».

5.3 Økonomien i prosjektet

DMF har vurdert den vedlagde informasjonen om økonomien i prosjektet. Etter DMF si vurdering er prosjektet økonomisk mogleg å gjennomføre.

5.4 Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av grustaket. Skildringa og kart- og snitteikningar presenterer det planlagde uttaket av føremålet innanfor arealet på om lag 137 dekar regulert til føremålet. Det totale volumet grusreservar som skal takast ut er estimert til kring 1 570 000 m³. Det årlege uttaket vil variere med marknaden, men det planlagde uttaket per år er 50 000 – 75 000 m³. Det er planlagt drift i 2 etappar. I tillegg til driftfasane skal det leggjast fram ein plan for sikring og avslutting av grustaket.

Etter DMF si vurdering kan den vedlagde versjonen av driftsplan for Brynsmoen næringsområde i Nord-Fron kommune godkjennast. Ein finn at planen tilfredsstiller dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjoner eller andre endringar i føresetnadene for drifta, til dømes geologiske og kvalitetmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehånd.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.



5.5 Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemد.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

5.6 Kva kompetanse søkeren har til å drive førekomensten

I vurderinga av om søkeren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Sjur Haugen som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

Ifølgje tiltakshavaren er selskapet deira ei familiebedrift som blei stifta som aksjeselskap i 1974. Dei beskriv si eiga verksemd å vere ein tradisjonell maskinentrepreneur, med hovudvekt på produksjon av grus og pukk. Selskapet har 8 fast tilsette og noko innleie i høgsesong. Dei leverer, ifølgje tiltakshavar, mellom anna tilslag til betong til fleire store verksemder både i kommunen og innafor lokalområdet elles.

Etter DMF si vurdering har Tiltakshavaren tilstrekkeleg kompetanse til å drive førekomensten.

5.7. Dei miljømessige konsekvensane av utvinning

I vurderinga av om det skal gjevast driftskonsesjon skal det leggjast vekt på omsynet til miljøet og kulturminne.

Det finst ein godkjend reguleringsplan for uttaket. Planskildringa i reguleringsplanen gjer greie for miljøverdiar i området og korleis uttaket vil påverke miljøet.

Vurdering etter naturmangfaldlova

Naturmangfaldlova § 7 pålegg alle offentlege instansar som tek avgjelder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyringsfråsegner og eigne søker i Naturbase og Artskart (gjennomførte i november 2018) er lagde til grunn for vurderingane etter naturmangfaldlova i DMF si handsaming av søknaden.

I planskildringa under temaet natur – biologisk mangfald, er mellom anna emne som vegetasjon og vekseforhold og fauna omtala. Ifølgje planskildringa blei det gjort ei kartlegging av miljøverdiar i arealet på Brynsmoen. Området blei i denne kartlegginga karakterisert som furumo med blåbærskog og noko lyngfuktskog og lyngskog. I tillegg hadde store delar av området blitt hogd ut og hadde innslag av bringbær- og geitramsoppsslagn. Langs Bøslåsbekken vert området beskrive som fukteng/våteng med nitrofile og vanlege artar som mjødurt stornesle og vassrøyrkvein. I øvre del av bekken



blei det funne gårheggeskog med karakterar som skogstjerneblom og strutse veng. Det blei ikkje gjort funn av prioriterte naturtypar, raudlisteartar eller signalartar for verdifulle miljø innan nokon artsgrupper i området. Trådragg blei funnen langs Vinstra nedanfor brua, ei sårbar art som er knytt til fuktig gamal barskog. Vekse staden for arten låg utanfor planområdet, men blei framheva som viktig å kjenne til dersom heile området skulle regulerast. Planarbeidet avdekkja også ei registrering frå 1990-talet av ein karplanteart – gåsefot- som er klassifisert som sårbar i raudslista. Arten er knytt til avfallspllassar. Området bleigått gjennom i 2012, særleg områda som har oppfylling av masse utanfrå, utan at det blei funne nokon førekomst av arten. Det er ikkje registrert naturtypar innafor planområdet som er viktige nasjonalt, regionalt eller lokalt.

Når det gjeld fauna viser planskildringa til at området ligg innafor eit større område som er registrert som beiteområde for elg. Området er ein del av vinterbeiteområde for elgen, og er klassifisert som eit viktig viltområde. I tillegg er det registrert trekkevegar for elg aust for planområdet.

Planskildringa viser til at planens konsekvens for naturmiljøet i hovudsak er knytt til at areal vert nedbygd. Naturverdien innafor området blei totalt sett vurdert til å ha noko under middels verdi. Omfang av tiltak i området blei vurdert å vere av middels omfang. Konklusjonen blei difor at tiltaka blei rekna for å ha middels konsekvens/skadeverknad med omsyn til naturverdiar.

Det er ikkje kome fram opplysningar i vurderingsgrunnlaget som tyder på at uttaket vil kome i konflikt med naturverdiar i området. DMF reknar kunnskapskravet i naturmangfaldlova § 8 for oppfylt. Sidan uttaket ikkje vil ha nokon større verknad på naturmangfaldet og ein ikkje kan påvise at tiltaket vil påverke truga, nær truga eller verdiful natur, legg DMF til grunn at det ikkje er nødvendig å gjere vidare vurderingar etter miljøprinsippa i naturmangfaldlova §§ 9–12.

Avrenning – vurdering etter forureiningsforskrifta § 30-6

Det går fram av reguleringsplanen at tiltaket kan føre til avrenning til ein recipient. DMF minner om forureiningsforskrifta § 30 og plikta til å melde frå til forureiningsstyresmakta ved oppstart av verksemda. DMF understrekar at tiltakshavaren har plikt til å halde seg innanfor dei grenseverdiane som er fastsette i § 30-6 av forskrifta.

Konsekvensar av tiltaket for kulturminner

Kulturminne er handsama som eit eige tema i planskildringa. Det blei ikkje gjort funn av automatisk freda kulturminne eller verneverdige kulturminne frå nyart tid innafor planområdet.

DMF støttar seg til dei vurderingane som blei gjorde i samband med reguleringsplanarbeidet, og meiner at omsynet til kulturminne er sikra. DMF minner likevel om den generelle varslingsplikta etter kulturminnelova § 8.

På bakgrunn av det som er omtala ovanfor har DMF kome til at det ikkje finst faktorar knytte til miljø og kulturminne som tilseier at det ikkje skal gjevast driftskonsesjon eller at det er nødvendig å setje vilkår om avbøtande tiltak.



5.8 Forholdet til omgivnadene og nærliggjande område under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

Ifølgje planskildringa vert utmarka i og nær planområdet mykje brukt som turområde. Det er difor regulert inn området for grønnstruktur for å sette reglar som regulerar hogst i området. Med tanke på barn og unge sine interesser i området er det ein barnehage som har hatt ein gapahuk innafor planområdet. Planskildringa legg opp til at gapahuken kan flyttast til eit nytt område. Det blei ikkje gjennomført ei kartlegging av barnetråkk, då ferdsla av gåande og syklande har fått eigne løysingar ved gang- og sykkelvegar og turvegar.

Landbruksinteressene i området er i hovudsak knytt til utnytting av utmarka, først og fremst for skogbruk. Området nyttast ikkje som utmarksbeite.

DMF har kome til at dette ikkje er avgjerande moment som talar mot å innvilge konsesjon.

5.9 Kva tiltaket får å seie for verdiskaping og næringsutvikling

Førekomsten det er søkt om driftskonsesjon for fell inn under råstoffgrupperinga: sand, grus, pukk og leire (byggjeråstoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg.

Uttaket vil sysselsetje fleire tilsette og vil bidra til å halde oppe sysselsetjinga/skape ny sysselsetjing i lokalsamfunnet/distriktet. Drifta kan òg ha ein positiv verknad ved å gje opphav til eller sikre eksistensen til anna næringsverksemd, eller ved at råstoffet kan vere ein strategisk innsatsfaktor i anna verksemd.

Uttaket vil også vere positiv i den forstand at man får utnytta ein viktig ressurs før arealet blir nytt til næringsformål.

5.10 Langsiktig planlegging for etterbruk eller tilbakeføring av området

Etter avslutta uttak skal området nyttast i tråd med reguleringa om området; altså til næringsverksemd. Heile uttaksområdet skal, seinast to år etter avslutta uttak av grus, vere ferdig rydda, arondert og satt i stand. Stuff mot eksisterande terregn skal avsluttast med ei helling på 1:1,5 til 1:2. Massane er, ifølgje tiltakshavaren, av ein slik beskaffenhet at skråningsstabiliteten er tilfredsstillande. Område omkring uttaksområdet (ned mot Vinstra elv) har ein brattare helling (1:1) enn dei beskrivne avslutningsskråningane. Alle skråningar skal tilførast mellomlagra avdekkingssmasse for naturlig gjengroing av planteartar som er naturleg på staden.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.

5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelige krava til sikkerheit.



Tiltakshavaren planlegger å revegetere skråningane fortløpande. I tillegg skal dei planera botn i uttaket, for å slik oppnå ei mest mulig økonomisk utkjøring av massane. Overskot av vegetasjonsmassar og jordmassar blir lagt i ranker, beiarbeidd og selt i lokalmarknaden som plenjord. I tillegg viser tiltakshavaren til at drifta deira er basert på mobilt utstyr og inga faste installasjonar. I tillegg blir massane kjørt vidare til anlegget deira på Rustmoen for vidare foredling. Tiltakshavaren påpeiker difor at kostnadene knytt til opprydding vil bli minimale og ikkje bli meir omfattande enn planering av uttakobotn. På bakgrunn av dette foreslår tiltakshavaren å stille ein bankgaranti på NOK 300 000,-, samt å setje av ei krone pr. solgte tonn opp til NOK 500 000,-. Garantisummen på NOK 500 000,- skal stå til uttaket er avslutta og oppryddinga er gjennomført.

5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere ikkje tilfredsstillande. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekkje Tiltakshavaren si sikrings- og oppryddingsplikt.

DMF vil med dette presisere at den økonomiske sikkerheita skal vere slik at den ved konkurs hos tiltakshavar ikkje vil inngå som ein del av eit konkursbu. Dette peiker igjen på at vurderinga for kva som er tilstrekkeleg økonomisk sikkerheit, må ta utgangspunkt i at tiltakshavar har gått konkurs og ikkje kan utføre arbeidet sjølv. Utrekning av økonomisk sikkerheit tek difor utgangspunkt i objektive kriterium som seier no ko om kva det vil koste å setje området i stand i tråd med avslutningsplanen og etterbruksføremålet. Det er uakseptabelt om staten, kommunale mynde eller grunneigaren skulle bli sittande igjen med økonomisk utlegg for sikring og opprydding ved ein plutsleg konkurs hos tiltakshavar.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 800 000 for å sikre at naudsynte sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på: kor komplekst uttaket er, massetype, potensiell forureiningsfare, underjords- eller dagbrotsdrift, plassering og lokale tilhøve. DMF har òg lagt vekt på sine eigne erfaringstal for tilsvarande uttak, med tillegg for eksterne og uventa kostnader.

5.11.2. Form for sikkerheita

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf. pantelova §§ 4-4 til 4-6. Tiltakshavaren skal ikkje ha råderett over denne bankkontoen, som skal vere sperra til fordel for DMF.



Bankgaranti–oppstartsfasen

DMF vurderer det som naudsynt at Tiltakshavaren, før drifta startar, stiller ein bankgaranti som DMF vurderer som tilfredsstilande som påkravsgaranti for eit beløp på NOK 300 000. Dette er naudsynt for å ha tilstrekkeleg sikkerheit i oppstartfasen før fondet har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre naudsynte sikrings- og oppryddingstiltak som DMF godtek;
- (ii) Ved konkurs, opphøyre eller anna avvikling av Tiltakshavaren si verksemد; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldande etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikkje har nådd NOK 300 000. Når beløpet på bankkontoen har nådd NOK 300 000, eller tidlegare etter skriftleg samtykkje frå DMF, fell plikta til bankgaranti bort.

Individuell avsetjing, avsetjingsperiode og storleiken på avsetjinga

Deretter skal Tiltakshavaren setje inn midlar på bankkontoen årleg fram til totalbeløpet på NOK 800 000 er nådd. Dei årlege innskota blir rekna ut etterskotsvis på grunnlag av masseuttaket året før. Det skal betalast inn NOK 0,35 årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på 20 år, det vil seie NOK 40 000 per år. I søknaden er det rekna med eit uttak på 114 000 tonn/år, noko som gjev ei årleg avsetjing på om lag NOK 0,35 per tonn.

Innbetalinga for masseuttaket må vere avsett innan 1. februar året etter.

5.11.3. Rapportering og dokumentasjon

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det naudsynt at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal tiltakshavaren kvart femte år gjere ei ny vurdering av om sikkerheita er tilstrekkeleg. Når vurderinga er gjord, skal tiltakshavaren utarbeide ein rapport og sende den til DMF utan grunnlaust opphald.



DMF kan også ha behov for meir rapportering og dokumentering enn det som er skildra over, og finn det difor naudsynt å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheita

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan også gjerast når som helst ved endringar i minerallova og andre relevante lover, forskrifter og vedtak.

6. Kor lenge driftskonsesjonen gjeld

Driftskonsesjonen kan reviderast etter 10 år.

Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell også bort dersom:

- utvinningsretten for statens mineral blir sletta
- avtalen om rett til å utnytte førekoma av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikke overdragast. Det gjeld også ved overdraging av utvinningsretten.

7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

Meldeplikt ved oppstart og stans av drift

Seinast éi veke før oppstart av drifta skal tiltakshavaren sende melding til DMF. Tiltakshavaren skal også sende melding til DMF før drifta mellombels blir stansa eller lagd ned i medhald av minerallova § 44.

Drifta skal utførast med varsemd

Drifta skal utførast med varsemd, slik at skadane ikke blir større enn nødvendig. Etter minerallova § 48 skal arbeida heller ikke føre til unødig forureining eller skade på miljøet.

Forsvarleg sikring og opprydding

Området skal sikrast slik at arbeidet ikke medfører fare for menneske, husdyr eller tamrein. Etter minerallova § 49 omfattar sikringsplikta også gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til



- at drifta er teknisk forsvarleg og tek omsyn til arbeidstakarar, nærliggjande bygningar og omgivnadene elles
- at førekomsten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

Rapportering

Tiltakshavaren skal sende årleg driftsrapport til DMF via «Min side» på dirmin.no.

Når uttak av grunneigars mineral blir lagt ned, kan DMF stille krav om å sende inn sluttrapport, måledata og prøvemateriale. Dette gjeld dersom uttaket har mineraliseringar av vesentleg geologisk interesse.

8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.

For nærmare informasjon om minerallova med tilhøyrande forskrifter, sjå heimesida vår på www.dirmin.no.

Med helsing

Maria Lauritzen
seksjonsleiar

Stine Borge Nordskag
rådgjevar

*Dokumentet er elektronisk signert og har difor ikkje handskrivne signaturar.
Sakshandsamar: Stine Borge Nordskag*



Vedlegg:

Avtale om finansiell sikkerhetsstillelse_Brynsmoen næringsområde.docx
Pantsettelseserklæring for enkle pengekrav_Brynsmoen næringsområde.docx
Påkrevsgaranti_Brynsmoen næringsområde.docx
Godkjent driftsplan_Brynsmoen næringsområde.pdf
Konsesjonsområde_Brynsmoen næringsområde.pdf

Mottakarar:

Brødrene Haugen Maskin og Søre Feforvegen 19
Grus AS

Kopi til:

Adresseliste